



Broj: 09-20-11-2-2040-I/24

Datum: 14.08. 2024. godine

Na osnovu člana 43. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14, 59/22 i 50/24), i prijedloga Komisije za provođenje otvorenih postupaka nabavke u 2024. godinu, direktor Federalne uprave policije po ovlaštenju Vlade FBiH d o n o s i:

ODLUKU

o izboru najpovoljnijeg ponuđača u postupku Javne nabavke informatičke opreme za
LOT - 1

1. Prihvata se prijedlog Komisije za provođenje otvorenih postupaka nabavki u postupku Javne nabavke informatičke opreme za LOT-1, te se Ugovor dodjeljuje ponuđaču PRINTEX d.o.o. Sarajevo, prema Ponudi broj: 22/24 od 12.07.2024.godine, nakon provedene e-Aukcije po ukupnoj cijeni u iznosu od 133.200,00 KM bez PDV-a.
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
3. Obavezuje se ponuđač iz tačke 1. ove Odluke da u roku od 5 dana od prijema ove Odluke dostavi dokumenta navedena u Tenderskoj dokumentaciji broj: 09-20-11-2-2040 od 20.06.2024.godine.
4. Ova Odluka objavit će se na web stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama ("Službeni glasnik BiH", broj: 39/14 i 59/22).
5. Za izvršenje Odluke zadužuje se Sektor za materijalno-finansijske poslove.

OBRAZLOŽENJE

Federalna uprava policije je provela otvoreni postupak Javne nabavke informatičke opreme za LOT-1, po Obavještenju o javnoj nabavci broj: 1412-1-1-184-3-83/24 od 21.06.2024. godine objavljeno u "Službenom glasniku BiH" broj: 45/24, dana 28.06.2024. godine.

Procijenjena vrijednost nabavke iznosi 133.998,00 KM bez PDV-a.

Komisija za provođenje otvorenih postupaka javnih nabavki je dana 12.07.2024.godine izvršila radnju Otvaranje ponuda o čemu je sačinjen Zapisnik sa otvaranja ponuda u kojem su uneseni svi elementi predviđeni članom 63. stav 4. i 5., ZJN BiH.

U postupku pregleda i ocjene ponuda za LOT 1 – Javnu nabavku informatičke opreme, Komisija je utvrdila da su za navedenu nabavku u propisanom roku pristigle (4) četiri ponude kako slijedi:

1. *Ponuda ponuđača C-SERVIS d.o.o. Sarajevo broj:240708-01/MJ od 08.07.2024.godine, sa ponuđenom ukupnom cijenom od 133.998,00 KM bez PDV-a;*
2. *Ponuda ponuđača KODEKS d.o.o. Sarajevo, sa ponuđenom ukupnom cijenom od 133.998,10 KM bez PDV-a;*
3. *Ponuda ponuđača S1 SYSTEM ONE d.o.o. Sarajevo broj: 08/07/24 od 08.07.2024. godine sa ponuđenom ukupnom cijenom od 133.781,00 KM bez PDV-a;*
4. *Ponuda ponuđača PRINTEX d.o.o. Sarajevo broj: 22/24 od 12.07.2024.godine, sa ponuđenom ukupnom cijenom od 133.547,89 KM bez PDV-a.*

Komisija je u postupku pregleda i ocjene Ponude ponuđača KODEKS d.o.o. Sarajevo broj: 801/24 od 12.07.2024.godine utvrdila da ponuđeni novčani iznos od 133.998,10 KM bez PDV-a, prevazilazi procijenjenu vrijednost nabavke, iz kojeg razloga je ponuda istog ponuđača u skladu sa članom 2. ZJN BiH ocijenjena kao neprihvatljiva, te je navedeni ponuđač isključen iz dalje kvalifikacije za LOT 1.

Komisija je u postupku pregleda i ocjene Ponude ponuđača C-SERVIS d.o.o. Sarajevo broj: 240708-01/MJ od 08.07.2024.godine utvrdila da Garancija za ozbiljnost ponude navedenog ponuđača nije dostavljena na propisan način kako je traženo tačkom 28. Tenderske dokumentacije (Garancija za ozbiljnost ponude, kao i način njenog dostavljanja se definiše u skladu sa Pravilnikom o formi garancije za ozbiljnost ponude i izvršenje ugovora („Službeni glasnik BiH“ broj 90/14) i da dostavljena Garancija za ozbiljnost ponude ne čini sastavni dio ponude jer nije uvezana u ponudu, te da je ista dostavljena u plastičnoj foliji koja nije zatvorena naljepnicom na koju se stavlja pečat ponuđača ili se otvor na foliji zatvori jamstvenikom, a na mjesto vezivanja zalijepi naljepnica i otisne pečat, što je suprotno članu 3. Pravilnika o formi garancije za ozbiljnost ponude i izvršenje ugovora, iz kojeg razloga je ponuda istog ponuđača u skladu sa članom 68. stav 4) tačka i) ZJN BiH ocijenjena kao nepravilna i kao takva za ugovorni organ neprihvatljiva, te je navedeni ponuđač isključen iz dalje kvalifikacije za LOT 1.

U postupku pregleda i ocjene Ponude ponuđača PRINTEX d.o.o. Sarajevo broj: 22/24 od 12.07.2024.godine i Ponude ponuđača S1 SYSTEM ONE d.o.o. Sarajevo broj: 08/07/24 od 08.07.2024.godine, Komisija je utvrdila da su ponude navedenih ponuđača za LOT 1 – Javnu nabavku informatičke opreme formalno-pravno ispravne i ispunjavaju uslove tražene tenderskom dokumentacijom, te kao takve za ugovorni organ prihvatljive.

Obzirom da je za navedenu nabavku predviđeno provođenje e-Aukcije, Komisija se pismeno obratila Sektoru za materijalno-finansijske poslove radi provođenja iste, te je zaprimljen izvještaj o toku i završetku e- Aukcije broj: 1412-1-1-184/24 od 12.08.2024.godine, iz kojeg proizilazi da je prema konačkoj rang listi ponuđača koji su učestvovali u e-Aukciji, ponuđač PRINTEX d.o.o. Sarajevo za navedenu nabavku ponudio najnižu ukupnu cijenu u iznosu od 133.200,00 KM bez PDV-a.

Rukovodeći se kriterijem najniža ukupna cijena tehnički zadovoljavajuće ponude, Komisija u skladu sa članom 70., Zakona o javnim nabavkama BiH za Javnu nabavku informatičke opreme za LOT-1, predložila da se donese Odluka o izboru najpovoljnijeg ponuđača i ugovor dodijeli ponuđaču PRINTEX d.o.o. Sarajevo, prema Ponudi broj: 22/24 od 12.07.2024. godine, nakon provedene e-Aukcije po ukupnoj cijeni u iznosu od 133.200,00 KM bez PDV-a, što je konstatovala u zapisniku o pregledu i ocjeni ponuda od 08.08. i 14.08.2024.godine.

Razmatrajući prijedlog Komisije, direktor Federalne uprave policije po ovlaštenju Vlade FBiH donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

**DIREKTOR
(po ovlaštenju Vlade FBiH)
GLAVNI INSPEKTOR**

Vahidin Munjić



Dostaviti:

- Sektor za mat. fin. poslove
- ponuđačima
- u spis